


津田文庫  
文庫 1  
1521  
46





黔遊紀程	粵西偶記	臺灣雜記	使琉球記	坤輿外紀	甌江逸志	揚州鼓吹詞序	泰山紀勝	金鰲退食筆記
	滇黔紀遊	安南紀遊	閩小記	嶺南雜記	湖壩雜記	匡廬紀遊	隴蜀餘聞	京東考古錄
	滇行紀程	粵述	臺灣紀畧	封長白山記	尚谿織志	遊雁蕩記	板橋雜記	山東考古錄
八冊計二十五種								

010190608315



吳氏說鈴攬勝

龍威秘書

七集 大酉山房

說鈴目錄

石門吳震方青壇氏輯

第一冊

金齋退食筆記

高士奇

京東考古錄

顧炎武

第二冊

山東考古錄

顧炎武

泰山紀勝

孔貞瑄

隴蜀餘聞

王士正

第三冊

說鈴目錄

二



板橋雜記

余懷

揚州鼓吹詞序

吳綺

匡廬紀遊

吳闈思

遊雁蕩記

周清原

甌江逸志

勞大與

第四册

湖塘雜記

陸次雲

尚谿織志

陸次雲

坤輿外紀

懷仁

第五册

嶺南雜記

吳震方

第六册

封長白山記

方象瑛

使琉球紀

張學禮

閩小紀

周亮工

第七册

臺灣紀略

林謙光

臺灣雜記

李麒光



安南紀遊

潘鼎珪

粵述

閔敘

粵西偶記

陸祚蕃

第八册

滇黔紀游

陳鼎

滇行紀程

許纘曾

東還紀程

同上

吳氏說鈴攬勝弁語

吾邑吳青壇先生說鈴傳播海宇久矣其中山川人物土俗異聞可當卧遊可為先路編纂者以瞻志料考鏡者以資博物匪第悅目賞心已也板久漫漶先取其方輿名勝刻入祕書

石門馬俊良嶸山氏識

受業桐城方賜恩

男 珮愉校字

姪孫 蕃



高學士澹人供奉

禁庭八閱寒暑見聞益富所著作益多其詩詞古文及扈從日鈔每脫藁卽以示余余嘗序而刻之矣一日以金鰲退食筆記授余校閱如身在層霄雲海之盪我胸臆也澹人賜第在楚垣西北隅密邇秘苑金鰲蜿蜒其入直必經之路輒以餘閒討論舊蹟筆之於書退食云者有取於羔羊之詩委蛇自公之義澹人志也余嘗謂澹人之遭遇爲曠代所不易得而其學識敏達才



華絢爛性情沉潛篤實有出尋常萬萬者余輩  
數日一輪直齋祓待事凌晨入

禁門侍立螭坳不數刻嘗恐懼戰栗

至尊有問或倉卒不能對而澹人終日侍

便殿備顧問

天子聰明睿知淵泉溥博非咫尺聞管見之易以仰測

澹人從容應對每當

聖心應制詩歌援筆立就至與

睿藻天葩炳耀簡冊其不可及一也其趨朝嘗聽曉

漏至暮乃出或及夜分自非有所患苦終歲不  
請休沐是所謂金齋者特戴星出入其間耳何  
嘗有稍暇豫之時而又能采輯舊聞徵信載記  
以成千秋必傳之業是真無時無地而非學問  
也其不可及又一也是書體製略近于三輔黃  
圖東京夢華諸書而采綴特為闕博其地自金  
元明以來所嚴闕外庭罕知其詳知之亦不敢  
明著或中涓從事識謝通儒雖有簡畢無能考  
正故自陶南村輟耕錄以至上林彙考勺中志



及前朝大臣遊西苑詩及記皆不如澹人之得之見聞之真跬步之近敘述之詳且核也其意以爲溫室之樹固有所不得而言而靈囿之樂有與民偕之者筆之於書見

國家之深仁厚澤焉其自序又言明之宮闕苑囿較隋唐僅十之三四至于我

朝而曩時離宮別館頽廢者益多矣讀是書者益徵

兩朝克儉之德足以昭示來許爲萬世子孫取則豈

非其忠君愛國之心植于至性每食不忘者歟則又匪直文詞之燁赫記纂之淵博使人洞心駭目而已也康熙二十三年秋七月崑山徐乾學序



言金



龍威祕書七集

吳氏說鈴攬勝

第一冊

金鰲退食筆記

高士奇

京東考古錄

顧炎武

龍威祕書七集



Blank page with faint bleed-through text from the reverse side.



金齋退食筆記卷上

日講官起居注翰林院侍講學士高士奇



嘗讀往史所載秦漢隋唐之宮闕高者七八十丈廣者二三十里而離宮別館綿延聯絡彌山跨谷或至數百所何其奢侈宏麗可怖也明因金元之舊宮闕苑囿較秦漢隋唐僅十之三四然皇城之中即屬大內禁絕往來惟親信大臣得賜遊宴故或記或詩咸自詡為異數亦有終身官侍從未得一至者聞人說苑西亭臺宮殿

允命 金齋退食筆記上



無異海外三山縹緲恍惚疑信者半我

國家龍興以來務崇簡樸紫禁城外盡給居人所存  
宮殿苑囿更不及明之三四凡在昔時嚴肅禁  
密之地擔夫販客皆得徘徊瞻眺于其下有靈  
臺靈沼之遺意焉余自丁巳

賜居太液池之西朝夕策馬過金鰲玉蝀橋望苑中  
景物七閩寒暑退食之頃偶訪曩時舊制約略  
得之傳聞又彷彿尋其故址離宮別館廢者多  
矣脫復十數年老監已盡遺蹟漸湮無以昭我

皇上卑宮室約苑囿之儉德因率筆記之詳于西而  
略于東如小南城葡萄園諸亭榭雖有存者總  
不及書以余所居在苑西也紀其興廢而復雜  
以時事欲見

昭代之盛存爲太平佳話也若彼內府衙署監局之  
載在會典與訪問未確其蹟莫放者缺而不書  
景山則外人之所罕窺也亦不及書今余所記  
皆都下臣庶旦暮經過俯仰習于見聞非同溫  
室之樹莫可得而言者乃居者旣以守近而不



知過者又以匆遽而莫曉余生何幸移家其間  
炊煙燈火鄰于紫極使不表而出之如身到海  
外三山茫無紀述寧無愧焉康熙甲子夏六月

序

太液池舊名西海子在西安裏門周凡數里上跨石  
梁約廣二尋修數百步兩岸穹筓出水中鯨獸楯欄  
皆白石鑄鏤如玉中流駕木貫鑿絳丹檻掣之可通  
巨舟東西峙華表東曰玉竦西曰金鰲其北別駕一  
梁自承光殿道瓊華島制差小南北亦峙華表曰不

翠曰堆雲瀛臺在其南五龍亭在其北蕉園紫光閣  
東西對峙層臺反宇飛簷拂雲夾岸榆柳古槐多數  
百年物池中萍荇蒲藻交青布綠野禽沙鳥翔泳水  
光山色間悠然自適盛夏芰荷覆水望如錦繡吐馥  
流香尤爲清絕若其春冰乍泮秋月澄暉煙靄雲濤  
兩朝雪夜則余八年內直晨夕策馬過橋頭獨有會  
心者禁中人呼瀛臺南爲南海蕉園爲中海五龍亭  
爲北海寒冬冰凍以木作平板下用二足裹以鐵條  
一人在前引繩可坐三四人行冰如飛名曰拖床積



雪殘雲景更如畫又于冰上作擲毬之戲每隊數十人各有統領分伍而立以皮作毬擲于空中俟其將墮羣起而爭之以得者爲勝或此隊之人將得則彼隊之人蹴之令遠喧笑馳逐以便捷勇敢爲能本朝用以習武所著之履皆有鐵齒行冰上不滑也康熙癸丑六月九日 賜閣部大臣詞林臺省遊西苑泛舟飲宴辛酉七月廿一日又 賜閣部滿漢大臣詞林臺省部屬諸臣宴于西苑賜內紵蓮藕有差己未二月晦日 賜余與張敦復學士杜近公編修西苑

遊宴是歲五日侍宴西苑庚申七月十三日 命余泛舟苑中中使鼓棹所得蓮莢盡賜之又嘗奉 召自私寓騎馬入紫光閣門乘小舟至瀛臺內殿對畢復乘舟至紫光閣騎馬出賜荷花鮮魚攜歸甲子五日復于舟中侍宴皆有詩恭紀

己未二月晦日蒙

恩賜宴面苑恭紀四首

瓊圍丹垣裏璇臺綠水中山光開罨畫橋影  
控長虹徑轉金銜入波迴桂楫通太平多盛



事浩蕩引春風

淑景初晴後佳辰上巳前藻浮春水碧花帶  
曉霞鮮藉草沾香醕臨流對綺筵羽觴須盡  
醉

天語更頻傳

亭榭水雲隈軒楹面面開地疑仙島近人自  
玉墀來鴛鳳雕甍出疏龍磴道回賦成慚庾  
信忝竊侍臣才

遠勝東堂會晉太和六年命羣臣  
于東堂臨流小會何殊曲水

遊南宋顏延之有三日  
賜譙曲水賦詩序早鶯啼太液芳樹繞

瀛洲

厚眷真無極

深恩迴莫酬此生懷

帝澤端賴濟川舟

已未五日西苑泛舟侍

宴恭紀四首

新清細細滿瀛洲令節欣承

聖主遊日出金支明兩岸波開畫艦泛中流嘉魚



已慣迎仙鷁好鳥偏能識翠虬香溢堯尊傾

湛露

恩深沆漭總難酬

紅嶼青林閣道重凌晨霽景散千峯是日時

牙檣錦幙懸翔鳳宋孝武帝渡六合乘翔鳳舟水殿金鋪

隱濯龍漢書帝在濯龍池仗外輕陰當檻靜筵前積

翠入杯濃此身疑是來天上瑤島風光彷彿

逢

高張廣樂橋南蕞寶幄樓船劍佩分玉潤鳴

泉雲際落瑤簫奏曲水中聞槐烟密幕依巖

障藻影連牽寫浪紋共喜昇平邀

帝澤豈同漢武宴楨汾

仙艾靈絲滿五日蘭有玉俎滫天漿荷浮小

葉團青葢榴吐新花簇絳囊自有輕舸爭奪

錦不須駿馬獻穿楊舊傳五日有過微臣擬

進江心鏡唐時五日于江心鑄鏡呈獻多恐名慚鷄鷺行

庚申七月十三日

賜遊西苑採蓮八首并序



言金  
闌苑秋光得庾肩吾之句青潭曉靄賡徐彥  
伯之篇舒菡萏於方塘紅英度影翫芙蓉於  
曲榭碧葉浮香若斯撫景留連靡不尋聲唱  
答况乎迴翔

舜海在沐日浴明之中沂泳

堯淵極引水穿雲之樂檻棲花鷁非同鷗鷺閒汀  
橋落彩虹不是烟波小艇微涓莫補

寵渥難名竊念臣跡本投竿心隨偃草似孤根之  
偶出品實遜乎亭亭擬短幹之方搖榮已邀

於灼灼時則涼飈既拂大火初流槎辭巧夕  
之雙星冀紀中甸之三葉觀滄池之漉沉當

秋宇之澄鮮

上乃蔭芝蓋以逍遙盪蘭舟而容與白蘋紫荇到  
處縈川翠羽紅鱗紛來入鏡尤喜緗荷之出  
水遍看珠蒨之盈房

特命移船容臣舉袖纔催進楫卽分鳧雁之擘許  
帶歸鞍寧羨櫻桃之賜擎盤散馥濺齒流甘  
緬維異賢所談盛事陪遊灞漣亦號殊恩應



制昆明羣矜絕響何似付一畫舸一如漁叢  
釣笠之輕兼者仙液華腴不異菰米蓴絲之  
易真屬千秋之

浩蕩未酬畢世之津涯爰紀八章敬疏短引江南  
靡艷之曲不敢瀆奏乎

宸聰渚北悃欵之言未足敷揚夫

聖澤云爾

芙蓉池水湛天湖萍末風輕破浪圖碧島丹  
崖方丈裏有誰來泛採蓮船

曲渚蒹葭翠作圍新涼殘暑淡斜暉輕翻雨  
槳移舟入驚起莎邊白鷺飛

風牕露檻接宸居水氣澄鮮浸太虛自是  
君恩深漱滯特教天上看芙蓉

鷓首風回撲面香青荷葉底摘金房剖來滿  
齒流瓊液不羨仙人掌上漿

垂虹百尺壓鰲頭錦石踈花帶淺流遙見西  
峰開罨畫暮蟬聲裏變新秋

綺岸銀塘倚棹過鷄頭菱角漾清波臣今不



言金  
作西湖憶煙水菰蘆興已多

水榭紅闌面面低玉題金將隔東西綠陰交  
蔭松篁裏惟有水禽無數啼

隱隱輕雷送雨濃迴看柳色映千重片雲忽  
斷月初出歸路時聞花外鐘

甲子五日侍

宴西苑恭紀四首

炎景紆清晝嘉時奉

御遊金謁陳綵仗畫鷁動蘭舟高柳陰初密圓荷

葉始抽遭逢近霄漢身已到瀛洲

浴蘭傳令節廣宴啟華池幙結千花蕊筵垂

五色絲薰風散珠箔湛露捧瓊卮

聖德昭恭儉無勞問水嬉

島嶼三山外林塘五鳳西風藤牽紫蔓夏木  
發丹萸岸轉亭皆出波平檻盡低玉竦坊裏  
望樓閣隱虹霓

九重端展暇遊豫躍龍泉蒲草沿堤碧榴花照佩  
鮮魚潛知聽樂鷗戲解迎船願以池爲醴懽



詞金  
同在鎬傳

招涼曲榭東鳳艦往來通仙管聞天上長筵  
布鏡中流鶯啼繞樹亂蝶舞依叢亭午宮槐  
影稀踈落綺櫳

別命乘輕舫臨流飲大官三漿香泛螳六膳  
氣調蘭轉檝隨

天仗追羣振羽翰微班陪絳灌

渥澤等洪瀾

瀛臺舊爲南臺一曰趨臺坡林木深茂有殿曰昭和

殿前有亭曰澄淵南有村舍水田于此閱稼明李文  
達賢賜遊西苑記云南臺林木陰森過橋而南有殿  
曰昭和門外有亭臨岸沙鷗水禽如在鏡中本朝順  
治年間別建宮室爲避暑之處向南有亭臨水曰迎  
薰亭後樓九間樓後有殿制度質樸康熙庚申復加  
修葺皆易黃屋複殿重房交䟽對霽青臺紫閣浮道  
相通又于水邊堆疊奇石種植花樹層巖小壑委曲  
曼迴蓼渚蘆灣參差掩映東有二亭以稷覆之隔窓  
雲霧捲幔山泉別具幽致又作宛轉橋出水面遙望



流杯亭水聲樹色不異三山瑤島 御製詩有畫舸  
分流簾下水秋花倒影鏡中山是也前作瀛臺門樓  
五間

上日于侵晨臨門聽政畢外直講官于此進講高槐  
拂檐堦下立塗金異獸二製作甚精左右迴廊各三  
間上亦有樓樓外復接小廊門內東西樓屋各五間  
自池東直房改作之後凡內廷進講皆遣中使至南  
書房 召張敦復學上同余曰西苑門內棹小舟至  
閘口復換小舟至臺西亭子從內左門入于東邊樓

下講畢復從內左門出登舟中使送至西苑門上馬  
有時一召余至內殿草制或月上乃歸則賜饌及池  
魚蓮藕之屬瀛臺門下迤北有過船亭雕簷峻宇下  
連丹檻掣之亦可行舟直北兩廂窓櫺臨水爲內大  
臣及侍衛直宿之地再北爲御膳房自膳房轉東爲  
閘口各種船停泊堤外自閘口過小橋向東板橋一  
帶直抵池岸循池而北至西苑門古樹幽蟠槐柳茂  
密葭菼蒼然白鷺黃鸝飛鳴上下部院諸臣曉入西  
苑門奏事從苑墻下轉西過小紅門別設板橋夾以



木欄懸設罾網許諸臣于奏對之暇舉網爲歡有得魚者卽攜以歸可謂昇平佳話也

樂成殿入西苑門循水南行有紅門池水轉北別爲小池中設九島三亭一亭藻井闔角爲十二面上貫金寶珠頂兩金龍盤柱作升降狀丹檻碧牖盡皆後廳中設御榻四面皆梁檻通小朱扉而出名涵碧亭其二亭制少樸梁檻惟東西達涯際東有樂成殿左右檻各設龍床殿後小室亦設御榻明宣宗遊歷處也殿右有屋設石磨石碓二下激湍水自動南田穀

成于此春治故曰樂成後改殿爲無逸亭曰豳風曰省耕每歲秋成有打稻之戲駕幸無逸殿鐘鼓司扮農夫饁婦及田峻官吏徵租交納詞訟等事亦知稼穡艱難之意也明世宗時諭尙書李時等曰西苑工俱告完今日往視收穫以觀農事之終于是御豳風亭召見諸臣賜宴宴畢復御無逸殿東室曰西苑宮室是朕文祖所御近修葺告成欲于殿中設皇祖之位告祭之時等曰仁壽殿久已廢圯一旦整飭行祭告禮益見聖孝嚴分宜高賜遊金海記云省耕亭上



言金  
卽隙地墾由督農耕之臨閱則坐此又有元夕侍宴  
幽風亭觀燈詩似曾于此張燈矣本朝亭殿久不修  
治已未庚申歲

上避暑瀛臺余與張敦復學士寓直于無逸殿之東  
小室五楹茂樹迴環幽蔭蒨蔚池水下注泉聲泐泐  
曉烟初散荷香出水時步幽風亭坐石砌上雨後蟬  
鳴風來花氣涼滿襟袖以爲身在蓬壺閬苑間曾賦  
西苑侍直詩十首次年改直廬爲

皇太子避暑宮卽水碓陳列山石雜植新篁爲清流

激湍茂林修竹構亭于無逸殿舊址曰流杯亭風櫺  
水檻薨桷飛動細渠屈曲濺玉飛瓊

上題曲澗浮花四字常宴外藩于此大學士益都馮  
公致政將歸賜遊西苑中使鼓棹至流杯亭備肴核  
內酒飲宴盡歡益都賦詩紀事都下榮之

西苑侍直恭紀十首

碧網丹甍閬苑中

六龍駐輦翠微宮雲牕近處衣常潤水檻開時楫  
可通路接三山疑泛海臺高百尺迴凌風周



廬禁衛森嚴列隱隱仙璫下遠空

林沼蔥蘢帶曉烟湖光一片漾清漣殘霞半  
映金堤柳靈雨先滋玉井蓮冉冉紅香迷野  
鶯絲絲綠影噪新蟬當軒止覺涼生袂早有  
薰風動

虞篇

輦道青莎軟作茵蒼蒼葭莩遍芳津蘋灣銷  
夏偏宜暑桂館招涼不受塵虹跨長橋排雁  
齒閣連飛宇次魚鱗自慚未是登瀛侶珥筆

叨為侍從臣

宸極高居最上層千重雲樹碧煙凝竹埤花榭逢  
初霽藻砌梧枰散鬱蒸閣下橫經看進艇亭  
西寓直許調冰醴泉炎景真堪避應勒新銘  
擬魏徵

千羽懷柔到日南萬方無事樂桑蠶銀河鳧  
雁恩波潤玉澗莓苔化雨甘巖際共攀松粒  
五苑中齊識柳眠三樓船於葆誇西漢不羨  
昆明碧水潭



蓬壺窈窕隔塵凡曲渚斜開錦石巖紅蓼晚  
涼清竹簟綠葵朝露濕絺衫游魚得水閑依  
荷畫鶴迎風自引帆正喜遭逢承

御幄光天未敢荷長鑱

禾垣曉啟晝方炎奏對諸僚禮數嚴錦障輕  
籠金勒馬黃羅高捧綠頭籤篆浮寶獸香頻  
起漏滴銅龍水更添封事上林思曼倩談諧  
忠愛有誰兼

蕉園紺宇行難盡藥塢沙洲望總佳霧隱重

檐橫翠瓦泉從西郭入丹崖懸蘿巧結雙鴛  
帶細草爭抽小鳳釵薄暮林稍明月上頓教  
野性愜江淮

西來爽氣逼新秋吹面荷風滿徑幽瀑布水  
聲喧戶外黛螺山色落墻頭霑

恩餼給銀絲膾宣

勅人乘青翰舟遺蹟尙留觀稼殿

君王樂處不忘憂

勤政樓前幾暇時古槐夾路影參差趨朝瑤



浦呼船渡退食天閑賜馬騎出水蓮房初結  
子沉波菱葉細牽絲何須作記遊西苑日日

螭頭一獻詩

紫光閣由太液池西南隄循池而北舊有臺高數丈  
中作圓頂小殿用黃瓦左右各四楹接棟稍下瓦皆  
碧南北垂接斜廊懸級而升面若城壁下臨射苑皆  
設門牖有馳道可走馬明武宗築以閱射者名曰平  
臺後廢臺改爲紫光閣向北門外卽金鰲坊明時五  
日幸西苑鬪龍舟于紫光閣前看御馬監勇士馳驟

往來走解蘿柳明愍帝召對閣臣於此大學士蔣公  
德燦敬曰草云召至紫光閣退出步至林木間小憩  
旁有別館諸璫坐處有煩光祿寺送茶閣甚高敞樹  
陰池影葱翠萬狀亦佳景也我朝仍名紫光閣向南  
隙地盡植桃杏仲春之際芳菲滿目

上常于閣前殿試武進士騎射又于每歲八月中秋  
前二三日集上三旗大臣侍衛較射更設帳殿次第  
而入御製詩所謂隊白花間八鑣從柳外分也高  
等者賜蟒緞一疋內緞三疋潞綢二疋羊二隻次等



言金  
者蟒緞一疋內緞二疋潞綢一疋羊一隻再次者內  
緞一疋潞綢一疋癸亥歲改賜金牌銀牌有差上刻  
旌射二字

皇太后避暑亦曾居此傍有百鳥房多蓄奇禽異獸  
如孔雀金錢雞五色鸚鵡白鶴文雉貂鼠舍狸獬海  
豹之類不可枚舉本朝不此是尙但給飲啄而已

芭蕉園自太液池東行半里許蒲葦盈水榆柳被岸  
松檜蒼翠果樹分羅中崇闔廣砌一殿穹窿以黃金  
雙龍作頂纓絡懸綴雕欄綺窓朱楹玉檻望而做豁

舊曰崇智殿殿後藥蘭花園有牡丹數千株轉西有  
亭八面內外皆水曰臨漪亭一曰釣魚臺金魚作陣  
遊戲其中又一小石梁出水中向西一亭在水際曰  
水雲榭按芭蕉園一名椒園有宮眷法從人等至此  
下馬二石碑當是世宗設醮時所立前朝實錄告成  
於此焚草七夕宮中穿鵲橋補服設乞巧山子兵仗  
局進乞巧針十五日西苑作法事放河燈甜食房進  
供佛波羅蜜明世宗實錄十五年五日端陽節幸西  
苑預命侯郭勛大學士李時尙書夏言候于崇智殿



遣中官賚賜艾虎花絲百索牙扇等物御龍舟召勛  
等各登舟給酒饌命三臣舟近龍舟行自蕉園迤邐  
至澄碧亭登岸復宴於無逸殿盡歡而罷嚴分宜鈐  
山堂集載有詔賜金海乘涼詩序云供事西苑直宿  
無逸殿時溽暑蒸燠上命中官熇五臣每以巳未申  
前於金海邊乘涼是日出迎和門乘舟泊水雲榭觀  
臨漪亭入蕉園至崇智殿畫棟雕甍金碧輝煥蒼松  
翠栢盤鬱垂蔭不復知有暑氣又有金海放燈詩云  
紅燈焰焰水攸攸此文真從天漢遊鸞簫鳳管鳴仙

吹錦纜龍旗引御舟其二云恍驚華渚流虹照苑是  
緱山駕鳳來仙人指點瑤池上萬朵金蓮頃刻開又  
有西苑賜川扇詩云太液池邊暑氣生海榴英簇絳  
霞明蜀王新貢金花筵御苑傳呼賜禮卿本朝順治  
年間改爲萬善殿供三世佛像選老成內監披剃爲  
僧焚修香火木陳玉林兩老衲奉 召至京師曾居  
萬善殿每歲中元建盂蘭道場自十三日至十五日  
放河燈使小內監持荷葉燃燭其中青碧熠熠羅列  
兩岸以數千計又用琉璃作荷花燈數千盞隨波上



下中流駕龍舟奏梵樂作禪誦自瀛臺南過金鰲玉  
螭橋繞萬歲山至五龍亭而田河漢微涼秋蟾正潔  
苑中勝事也

玩芳亭在蕉園之西芳木匝之今廢

承光殿在金鰲玉螭橋之東圍以圓城設以睥睨自  
兩液洞門而升中構金殿穹窿如蓋華榱綺牖旋轉  
迴環俗曰圓殿外周以廊向北金鰲垂出垣堞間甚  
麗昔有古松三株枝幹槎牙形狀偃蹇如龍奮爪擎  
空突兀天表金元舊物也今止存其一明李文達賜

遊西苑記云圓殿巍然高聳曰承光北望山峯嶙峋  
峯聳俯瞰池波蕩漾澄澈山水之間千姿萬態莫不  
呈奇獻秀于几窓之前韓右都御史雍賜遊西苑記  
云圓殿觀燈之所也殿臺臨池環以雲城歷階而登  
殿之基與睥睨平古松數株聳拔參天衆皆仰視時  
則晴雲翳空炎光不流暖風徐來花香襲人倚睥睨  
而窺其西以舟作浮橋橫亘池面北則萬歲山在焉  
殿廢于康熙七八年間云有蝙蝠大尺餘者南向二  
亭尚出雉堞正門閉塞久不啟余朝夕騎馬過其下



言金  
輒愛古枯之天矯蒼翠而于雪朝月夜更徘徊不忍  
去云

承光殿古栝行

用東城司竹  
監燒葦園韻

承光古栝雙牙槎蒼皮聳餘叅雲霞纏冬顏  
色鬱深翠入春發葉如蔣芽白頭老監說舊  
事西苑圓殿頻矜誇花香露氣接大內徑路  
窈窕疑仙家雕闌四圍粉堞壓綺窓十面珠  
簾遮當時嚴肅是禁地那許橋上馳翅車金  
元舊物歷代重頽枝半折輕杉又侵霜溜雨

積歲月漏鼓聽遍朝元搗西偏盤曲勢舞鳳  
東頭突兀形驚蛇我行低徊策欵段仰面叫  
絕聲呀呀洞門久閉長狐兔安得啟戶爭投  
眉七年千回看未厭慣聞下直栖宮鴉使其  
託根在深谷但侶澤雉與山麀肩挑背負不  
知愛歇涼墻脚時語譁常思解襟復科跣  
睡密蔭遊羲媧含章之梅靈和柳止增妖治  
豈此加圍城似甕瓊構廢或者留意除紛奢  
趨朝日日樂水木往蹟漫比槐排衙秋宵月

允令

金鑿魚退食筆記上

二十一



言金  
皎寒晨雪每過更覺流連佳興酣攬轡忽欲  
墮踈雨已霽河漢斜

瓊華島在大液池中從承光殿北度石梁至島皆以  
文磚乳花石雜甃之巖洞窈窕磴道紆折多疊奇石  
噴岈岬嶸其巔古殿相傳本遼太后梳粧臺歷金元  
明皆有宮殿爲遊觀之地今殘石壞礎猶刻雲物及  
廣寒殿字遼史云皇城西門曰顯西設而不開北曰  
子北其西城巔有涼殿金史宮闕制度云京城北離  
宮有大寧宮大定十九年建後更爲寧壽又更爲壽

安明昌二年更爲萬寧宮瓊林苑有橫翠殿寧德宮  
西園有瑤光臺又有瓊華島瑤光樓元郝文忠公經  
陵川集載有瓊華島賦葛羅祿迺賢金臺集有粧臺  
詩云廢苑鶯花盡荒臺燕麥生韶華如逝水粉黛憶  
傾城野菊金鈿小秋潭玉鏡清誰憐舊時月曾向日  
邊明其下自註云粧臺在昭明觀後金章宗嘗與李  
妃夜坐上曰二人土上坐妃應聲曰一月日邊明上  
大悅又有壽安殿詩云夢斷朝元閣來尋買酒樓野  
花迷輦路落葉滿宮溝風雨青城暮河山紫塞愁老



人頭雪白扶杖話幽州陶九成輟耕錄載元時宮闕  
云萬壽山在大內西北太液池之陽金人各瓊花島  
中統三年修繕之至元八年賜今名其山皆疊玲瓏  
石為之峯巒隱映松檜隆鬱秀若天成引金水河至  
其後轉機運輿汲水至山頂出石龍口注方池伏流  
至仁智殿後有石刻蟠龍昂首噴水仰出然後由東  
西流入于太液池山前有白玉石橋長二百餘尺直  
抵儀天殿後橋之北有玲瓏石擁木門五門皆為石  
色內有隙地對立日月石西有石棋枰又有石坐牀

左右皆有登山之徑縈紆萬石中洞府出入宛轉相  
迷至一殿一亭各擅一景之妙山之東有石橋長七  
十六尺濶四十一尺半為石渠以載金水而流於山  
後以汲於山頂也又東為靈囿奇獸珍禽在焉即今之景  
山是廣寒殿在山頂七間東西一百二十尺深六十  
二尺高五十尺重阿藻井文石甃地四面瑣窓板密  
其裏徧綴金紅雲而蟠龍矯蹇於丹楹之上中有小  
玉殿內設金嵌玉龍御榻左右刻從臣坐牀前架黑  
玉酒甕一玉有白章隨其形刻為魚獸出沒于波濤



之狀其大可貯酒三十餘石

今在西華門外真武廟中道人作某甕

又

有玉假山一峰玉響鐵一縣殿之後有小石笋二內出石龍首以噴所引金水西北有廁堂一間仁智殿在山之半三間高三十尺金露亭在廣寒殿東其制圓九柱高二十四尺尖頂上置琉璃珠亭後有銅幡竿五虹亭在廣寒殿西制度同金露亭在荷葉殿後高三十尺重屋八面重屋無梯自金露亭前複道登焉又曰線珠亭瀛洲亭在温石浴室後制度同方壺玉虹亭前仍有登重屋複道亦曰線珠亭荷葉

殿在方壺前仁智殿西北三間高二十尺方頂中置琉璃珠温石浴室在瀛洲前仁智西北三間高二十三尺方頂中置塗金寶瓶圓亭又曰膳粉亭在荷葉殿稍西蓋后妃添粧之所也八面介福殿在仁智殿東差北三間東西四十一尺高二十五尺延和殿在仁智殿西北制度如介福馬湏室在介福殿前三間牧人之室在延和殿前三間庖室在馬湏前東浴室更衣殿在山東平地三間兩夾太液池在大內西周迴若干里植芙蓉儀天殿在池中圓坻上當萬壽山



十一楹高三十五尺圍七十尺重簷圓蓋頂圓臺址  
甃以文石藉以花茵中設御榻周闢瑣窓東西門各  
一間西北厠堂一間臺西向列甃塼龕以居宿衛之  
士東爲木橋長一百廿尺濶廿二尺通大內之夾垣  
西爲木吊橋長四百七十尺濶如東橋中闕之立柱  
架梁於二舟以當其空至車駕行幸上都留守官則  
移舟斷橋以禁往來是橋通興聖宮前之夾垣後有  
白玉石橋乃萬壽山之道也犀山臺在儀天殿前水  
中上植木芍藥隆福宮西御苑在隆福宮西先后妃

多居焉香殿在石假山上三間兩夾二間柱廊三間  
龜頭屋三間丹楹瑣窓間金藻繪玉石礎琉璃瓦殿  
後有石臺山後闢紅門門外有侍女之室二所皆南  
向並列又後直紅門並立紅門三三門之外有太子  
幹耳朶荷葉殿二在香殿左右各三間圓殿在山前  
圓頂上置塗金寶珠重簷後有流杯池池東西流水  
圓亭二圓殿有廡以連之歇山殿在圓殿前五間柱  
廊二各三間東西亭二在歇山後左右十字脊東西  
水心亭在歇山殿池由直東西亭之南九柱重簷亭



之後各有侍女房三所所爲三間東房西向西房東  
向前闢紅門二門內立石以屏內外外築四垣以周  
之池引金水注焉櫻毛殿在假山東偏三間後盡頂  
殿三間前啟紅門立垣以區分之儀鸞局在三紅門  
外西南隅正屋三間東西屋三間前開一門明宣宗  
實錄宣德三年春奉皇太后遊西苑宣宗親掖皇太  
后升萬歲山奉觴上壽獻詩頌聖德皇太后悅酌酒  
賜宣宗且諭曰今天下無事吾母子得同此樂皆天  
與祖宗之賜也天下百姓皆天與祖宗之亦子爲人

君者但能保安百姓使不至于饑寒則吾母子斯樂  
可久遠矣宣德七年七月宣宗復登萬歲山作廣寒  
殿召翰林院儒臣侍命周覽都畿山川形勢既畢上  
諭之曰此元之故都也世祖知人善任使信任儒術  
愛養民力故能渾一區宇以成帝業再傳至武宗元  
政稍有變更仁宗繼之恭儉愛人卽位之初興學校  
勵風憲清中書其孜孜爲治一遵世祖之定法足爲  
賢君至順帝在位旣久肆意荒淫怠于政事紀綱法  
度蕩然因之失國使順帝能恭儉長守世祖仁宗之



法天下豈爲我祖宗所有又曰茲山茲宇順帝所日  
宴遊者也豈不可侍臣臣叩首曰紂之跡周之監也  
八年四月諭少傅楊士奇楊榮曰朕在宮中無事偶  
有真趣則賦一詩自適不然則取書籍玩味故所在  
置書籍及楮筆之類今修葺廣寒清暑二殿及西瓊  
島欲于各處皆置書籍卿二人可于館閣中擇能書  
者數十人取五經四書及說苑之類每書各錄數本  
分貯其中以備覽閱又朕近作廣寒殿記遂命中官  
取示奇等楊文貞賜遊西苑記云登萬歲山至廣寒

殿而仁智介福延和三殿及瀛洲方壺玉虹金露之  
亭咸得遍造是日天宇澄明纖塵不作引而四望山  
川之壯麗草木之芳華飛走潛躍各隨其性萬象畢  
陳胸次豁然心曠神怡百慮皆淨信天造之佳境而  
人生之甚適也李文達賜遊西苑記云西有長橋跨  
池下過石橋而北山曰萬歲怪石參差爲門三自東  
西而入有殿倚山左右立石爲峯以次對峙四圍皆  
石巖巖巖巖封蔓絡佳木異草上偃旁綴樛葛蒼  
翳兩掖疊石爲磴崎嶇折轉而上巖洞非一山畔並



言金  
列三殿中曰仁智左曰介福右曰延和至其頂有殿  
當中棟宇宏偉簷楹翬飛高插于層霄之上殿內清  
虛寒氣逼人雖盛夏亭午暑氣不到殊覺曠蕩瀟爽  
與人境異曰廣寒左右四亭在各峯之頂曰方壺瀛  
洲玉虹金露其中可跂而息前崖有壁夾道而入壁  
間四孔以縱觀覽而宮闕崢嶸風景佳麗宛如圖畫  
韓右都御史賜遊西苑記云萬歲山在池之中磊石  
爲之高數千仞廣可容萬人山之麓以石爲門爲垣  
門之內稍高有小殿環殿奇峯怪石萬狀悉有各卉

嘉木爭妍競秀琴臺棋局石床翠屏之類分布森列  
峯有最奇者名翠雲上刻御製詩琴臺上橫郭公碑  
擊之皆鏗鏗有聲遂沿西坡北上有虎洞呂公洞仙  
人菴又上有延和殿瀛洲亭金露亭瀛洲之西湯池  
之後有萬丈井深不可測由金露折而東上則廣寒  
殿也高廣明靚四壁雕彩雲累萬結砌而成東下至  
玉虹又下而南至方壺至介福皆與延和諸殿相對  
峙而方壺瀛洲則左右廣寒而奇特者也嚴分宜賜  
遊廣寒殿詩序云泛金海觀于廣寒山蕩舟持節者



皆中使水光蕩漾遠近亭臺隱現金碧交輝若身造  
瑤池弱水之間舍舟登岸陟廣寒之殿絕頂巍峙高  
入雲漢山麓爲臺爲殿山下爲堆雲積翠之坊余歷  
觀前人記載茲山實遼金元遊宴之地明時殿亭皆  
因元之舊名其所疊石巖巖森聳金元故物也或云  
本宋良岳之石金人載此石自汴至燕每石一准糧  
石于俗呼爲折糧石又瑤島春雲爲燕京八景之一  
李崆峒秋懷詩云苑西遼后洗粧樓檻外方湖靜不  
流又曰雕闌玉樹留天女錦石秋花隱御舟蓋指此

也明時重九幸此登高萬曆七年廣寒殿傾頽其脊  
中多至元錢神宗曾分賜輔臣張江陵居正明大學  
士蔣公德璟敬日草與內監劉若愚勺中志乃以今  
之景山爲萬歲山人多因之誤矣本朝順治八年毀  
山之亭殿立塔建寺樹碑山趾康熙己未地震白塔  
頽壞十年重建加莊嚴焉每歲十月二十五日自山  
下燃燈至塔頂燈光羅列恍如星斗諸喇嘛執經梵  
唄吹大法螺餘者左持有柄圓鼓右執彎槌齊擊之  
緩急疎密各有節奏更餘方休以祈福也辛酉冬連



是山之石于瀛臺白塔之下僅餘黃壤宜多植松柏  
為菁葱鬱茂之觀

順治八年白塔寺碑

恭惟

皇上仁孝性成天縱太平之主也 親政以來拳  
拳以愛養斯民為念是以雨暘時若歲種大  
有

天心眷顧此其明徵有西域喇嘛者欲以佛教陰  
贊

皇歡請立塔建寺壽國佑民奉

行果有益于國家生民朕何靳數萬金錢為故賜  
號為憫木汗許建塔於西苑之高阜處庀材  
鳩工不日告成因命臣等而為之記內翰林  
院宏文院掌院事大學士希福譯滿洲蒙古  
文內翰林國史院大學士甯完我撰漢文塔  
七哈哈番羅米書寫滿洲字搜史書寫蒙古  
字典籍楊振麟書寫漢字歲次辛卯孟秋吉  
旦立



臺城路

苑西梳粧樓懷古

雕闌幾曲層臺上舊是廣寒宮宇綺綬迎風  
珠錢漏月想見玉虹金露穠華無據但錦石  
生苔秋花點土艷粉香脂珮環聲作踈踈雨  
堆雲橋外徙倚尙澄湖一片晚霞孤鷺雁  
柱調絃鸞鏡寫怨何限當年情緒長安砧杵  
共蟋蟀悲吟惹人詞賦繫馬垂楊依稀聽梵  
語

金瓶退食筆記卷下

日講官起居注翰林院侍講學士高士奇

大高元殿在神武門之北南向臨玉河其前門曰始  
青道境左右有牌坊二曰先天明鏡曰太極仙林曰  
孔綏皇祚曰宏佑天民內有二閣左曰昊音陽明閣右  
曰胡音陰靈軒殿之東北曰象一宮所供象一帝君範  
金爲之高尺許明世宗元修玉容也門前三亭鈎簷  
闕楠極盡人巧中官呼爲九梁十八柱云官民過者  
至此下馬每歲大旱則建醮祈雨遣官禮拜殿之東

兌令金瓶退食筆記下

二



卽北上西門有橋甃磚石各半謂防車輪耳

乾明門遺址在大高元殿之西承光殿之東尙有石基巍然人無知者

元都勝境在宏仁寺之西建于元相傳爲劉元塑像正殿乃王皇大帝右殿塑三清像儀容肅穆道氣深沉左殿塑三元帝君像上元執簿側首而問若有所疑一吏跪而答甚戰慄一堂之中皆若悚聽嚴肅者神情動止恍如聞其聲歎真稱絕藝禮旃檀佛者無不便道看劉蘭塑云蓋悞元爲蘭也元史工藝傳阿

尼哥尼波羅國人也幼敏悟異凡兒同學有爲繪畫粧塑業者讀尺寸經阿尼哥一聞卽能記至元十年授人匠總管有劉元者嘗從阿尼哥學西天梵相亦稱絕藝元字秉元薊之寶坻人始爲黃冠師事青州杞道錄傳其藝非一至元中凡兩都各剎塑土範金搏換爲佛像出元手者神思妙合天下稱之其上都三皇尤古粹識者以爲造意得三聖人之微者由是命以官長其屬行幸必從仁宗嘗勅元非有旨不許爲人造他神像後大都南城作東嶽廟元爲造仁聖



一 說金  
帝像魏魏然有帝王之度其侍臣像乃若憂深思遠者始元欲作侍臣像久之未措手適閱秘府圖書見魏徵像矍然曰得之矣非若此莫稱爲相臣者遽走廟中爲之卽口成士大夫觀者咸嘆異焉其所爲西番佛像多秘人罕得見者元官爲昭文館大學士正奉大夫秘書監卿以壽終輟耕錄亦載其事

藏舟浦自瓊華島東麓過石橋申陟山門折而北循岸數百步有水殿二深十六間一藏龍舟一藏鳳舸舟首尾刻龍鳳形上結樓臺以金塗之備極華麗又一浦繫五六小舟岸際有叢竹蔭屋浦外一亭今皆荒廢秋來露冷野鶩殘荷隱約蘆汀蓼岸不減趙大年一幅江南小景也

雪池在陟山門迤北凡宮中雪後掃出殘雪堆積于此今多積之景山矣

五龍亭舊爲太素殿創于明天順年在太液池西南向後有草亭畫松竹梅于上曰歲寒門左有軒曰臨水曰遠趣軒前有草亭曰會景今改建五亭中曰龍澤左曰澄祥滋香右曰湧瑞浮翠總名之爲五龍亭



珠簾盡棟照耀漣漪從玉竦行者遙望水次丹碧輝  
映疑是仙山樓閣後有石坊曰福渚北曰壽岳中有  
錫殿以錫爲之不施磚甃每歲盛夏

太皇太后避暑于此

皇上聽政之後輒駕小舟問安或侍膳亭上四面荷  
香微涼清暑癸亥元夜于亭前施放煙火聽京師人  
民觀看時余已退直矣

命侍衛那爾泰海清至余私寓 召至亭前賜飲饌  
坐觀星毬萬道火樹千重金輪寶燄光輝奪目大家

富貴盛世歡遊願與萬方同之也向于稍南有屋數  
連通池水以育禽鳥舊名天鷲房有亭曰映輝又有  
飛甍澄碧二亭遺址今惟余音祥橋榜獨存  
凝和殿在池之東西向二亭臨水曰湧翠曰飛香白  
頭老監尙能言之

迎翠殿在池西東向臨水有亭曰澄波明嘉靖時更  
建浮香寶月二亭東望萬歲山倒巖于太液波光之  
中黛色嵐光可掬可挹今惟短垣而已

西海神祠在北閘口明嘉靖十四年諭禮部尙書夏



言曰西海子歲以午日奉兩宮遊宴止行望祀宜特  
建祠宇于湧玉亭以答神貺又曾命勳輔大臣禱雨  
于此按禁城內西海子古燕京積水潭也源出西山  
神山一畝馬眼諸泉繞出甕山後滙爲七里灤入都  
城由北安門外藥王廟西橋下入皇城自北開口延  
竟大內出大通河轉漕亦賴其利元史海子在皇城  
之北萬壽山之陰舊名積水潭聚西北諸泉之水流  
入都城而滙于此汪洋如海都人因名焉恣民漁採  
無禁又元史河渠志通惠河其源出于白浮甕山諸

泉水也世祖至元二十八年都水監郭守敬奉詔興  
舉水利因建言䟽鑿通州至都河改引渾水溉田于  
舊牐河蹤跡導清水上自昌平縣白浮村引神山泉  
西折南轉過雙塔榆河一畝玉泉諸水至西門入都  
城南滙爲積水潭東南出文明門東至通州高麗莊  
八白河又曰金水河其源出于宛平縣玉泉山至大  
四年七月引金水河水注之光天殿西花園石上前  
舊池置牐四以節水又曰海子岸上接龍王堂以石  
甃其四周海子一名積水潭聚西北諸泉之水流行



入都城而滙于此元仁宗延佑六年都水監會計前  
後與元修舊石岸相接凡用石三百有五各長四尺  
濶二尺五寸厚一尺石灰三千觔該三百五丁夫  
五十石工十元許有壬詩云御溝流水曉潺潺直似  
長虹曲似灣流入宮墻才一尺便分天上與人間歐  
陽文詩云鰲山宴罷月溶溶太液池邊湛露濃不用  
金蓮送歸院水晶宮出玉芙蓉皆西海子作也葛邏  
祿迺賢西華潭詩云秋水清無底涼風起綠波錦帆  
非昨夢玉樹憶清歌帝子吹笙絕漁郎把釣多磯頭

浣紗女猶恐是宮娥下自註云金之太液池也

乾佑閣建自明萬歷年間在太液池之北高八丈一  
尺廣十七丈磴道三分三合而上倒影入水波光蕩  
漾如水晶宮闕天啓時毀之卽其處爲嘉樂殿其門  
曰延景門今亦廢再西則親軍內教場也

大西天經殿在五龍亭東北山門臨太液池南向第  
二層殿曰大慈真如寶殿殿壁繪畫龍神海怪又有  
三大軸高丈餘廣如之中繪衆聖像二十餘左右則  
文殊普賢變相三首六臂每首三目二臂合掌餘四



臂擎蓮花火輪劍杵簡槩并日月輪火燄之屬裸身  
着虎皮裙蛇纏胸項努目直視威靈凜烈金塗錯  
雜形彩陸離傳爲商喜筆也殿中立一小臺可丈餘  
臺上有亭如毘盧頂亭中黃繖下則西天說法像也  
真如面南周環而諦聽者列如團箕像皆尺許範銅  
爲之冠簪袍笏儀表肅然中垂五六線下繫一物似  
機床又如車軸若轉輪狀東西列四從神各四尺肩  
結雲聚目稜電擊猛焰慧肩伎蜂搶軒戴銀兜蓋衣  
烏鎧佩弓矢儀容嚴毅如生蓋倪儻胎也據內典下

天處蘇迷盧之半爲忉利尉候北方毗沙門統藥叉  
衆所治水精宮城護世其佳處曰紛陀利曰質多羅  
曰七林曰摩倫曰如意等下壓像跡當歡喜之地上  
接蜂歌離莊嚴之境常憍尸迦將破怨敵聖者奮勇  
健臂出甲冑林獨揭勝幢不頓一戟擊迦婁而垂翅  
搜修羅而束手猶怒折蓮柄狂搜藕絲由此觀之雖  
在空門亦以忿怒麤撲爲法大防不獨世間攘巨寇  
者祇金浴鐵強矯雄毅也三層設大士像門前古槐  
數株婆娑清蔭東有石屏高八九尺上刻龍水鱗甲



言金  
飛動在斜陽蔓草間亦銅駝石馬之類歟

左臨海亭右臨海亭在西苑門外今廢

聚景亭在大液池之東今廢

宏仁寺在大液池西南岸地最爽朗本朝康熙年間  
卽清馥殿基址改建爲寺迎旃檀佛居之黃甓碧甃  
齊館敞麗前樹二坊東曰廣恩敷化西曰普度能仁  
入寺數武白石甃方池上跨三梁綠荷出水朱魚吹  
藻其西作龍首白墻外汲大液水貫注之池北天王  
殿殿東西分峙兩樓以懸鐘鼓再進爲慈仁寶殿左

曰彌教右曰翊化又進爲大寶殿左曰覺德右曰普  
慧僧房之前松栢楸槐蔭植庭牖所謂兜率淨宮須  
彌寶殿莫尙于斯也旃檀佛像高五尺鵠立上視後  
瞻若仰前瞻若俯衣紋水波骨法見其表左手舒而  
直右手舒而垂肘掌皆微弓指微張而膚合三十二  
相中鷲王掌也勇猛慈悲精進自在以意求之皆備  
相傳爲旃檀香木扣之聲鏗錙若金石入水不濡輕  
如鬆漆晨昏寒暑其色不一大抵近于沉碧萬歷中  
慈聖太后始傳以金元翰林學士程鉅夫瑞像殿碑



云釋迦如來初爲太子生七日摩耶棄世生忉利天  
佛旣成道思念母恩遂昇忉利天爲母說法優填國  
王自以久失瞻仰于如來欲見無從乃刻旃檀爲像  
目犍連尊者慮有闕繆躬以神力攝三十二匠昇忉  
利天諦觀相好三返乃得其真旣成國王臣民奉猶  
眞佛焉及佛返人間王率臣庶自往迎佛此像騰步  
空中向佛稽首佛爲摩頂授記曰我滅度千年之後  
汝從震旦廣利人天由是飛歷西土一千二百八十  
五年龜茲六十八年涼州十四年長安一十七年江

左一百七十二年淮安三百六十七年復至江南二  
十一年汴梁一百七十七年北至燕京居聖安寺十  
二年北至上京大儲慶寺二十年南還燕京內殿五  
十四年燕宮火迎還聖安寺一十九年元世祖迎入  
萬壽山仁智殿十五年遷于萬安寺一百四十餘年  
明蜀僧紹乾續記云自萬安寺復居慶壽寺一百二  
十餘年嘉靖戊戌慶壽寺災奉迎鷲峯寺迄天啓丁  
卯共居八十八年計優填造像當周穆王辛卯至明  
嘉宗丁卯凡一千六百一十餘年由今計之自丁卯



至康熙甲子又五十七年佛以靈異著聞京師寓內  
王公大人士庶婦女捐金莊嚴以丐福利者歲無虛  
日寺以西域僧王之食二品俸更于殿後造白塔一  
座設鑿金頂神光壯麗工制甚精每歲正月車轂如  
雲綺羅從風聽民間士女觀看瞻禮也然攷釋氏感  
通錄云梁武帝遣郝鸞等往天竺國迎佛旃檀像其  
王摹刻一像付鸞天監十年至建康帝迎奉太極殿  
建齋度僧大赦斷殺自是蔬食絕慾據此說又與程  
鉅夫碑文不同則此像爲優填之所刻歟抑天竺之  
所摹歟內有 御製碑刻二通謹錄於左又一碑刻  
成都釋紹旃檀像來儀記明萬曆丁酉八月立  
蓋自鷲峯寺遷于此者其辭與程鉅夫記畧同不具  
載

御製宏文寺碑文

朕惟佛教之興其來已久使人遷善去惡陰  
翊德化不可忽也茲

旃檀像自佛初成道刻表以來屢著靈異尤當景  
崇今特擇景山西之善地創建殿宇於康熙



四年十月二十七日自鷲峯寺遷移供奉配  
以菩薩從神爲

宗社永呵護生民祈福佑威儀不遠資瞻禮焉是  
用勅名宏仁勒諸貞珉以誌不朽云康熙五  
年四月二十九日立

御製旃檀佛西來歷代傳記

朕聞佛教遷善去惡有裨治世化民故歷代  
尊崇流傳靈異厥蹟甚著誠以出世人世似  
屬分途而化俗淑民初無二理粵稽記錄佛

以周昭王二十四年甲寅誕生西域穆王五  
十二年壬申入滅佛成道後嘗升忉利天爲  
母氏說法數月未還時優填王以久瀕瞻依  
廼刻旃檀像佛聖表以竚翹想之懷目捷連  
慮有缺謬以神力攝三十二匠升天諦觀相  
好三返乃得其真既成王及國人若與神對  
及佛復降人間王率臣庶往迎佛其像升空  
謁佛佛爲摩頂記曰我滅度千年後爾往震  
旦國大興佛化佛滅于二百八十餘年始目



西域傳至龜茲六十八年至涼州二十四年  
至長安一十七年至江左百七十二年至淮  
南三百一十七年復至江南二十一年北至  
汴京百七十七年金太宗於辛亥歲迎至燕  
京建水陸會安奉於閔忠寺十二年是年金  
熙宗於上京建大儲慶寺成奉迎于積慶閣  
中二十年金國海陵王復南迎還燕宮內殿  
居五十四年元朝丁丑歲三月會內殿火尙  
書石扶公迎往聖安寺一十九年至元世祖

至元十二年乙亥遣大臣孛羅等備法駕  
伎奉迎入萬壽山仁智殿居十五年丁丑建  
大聖萬安寺二十六年己丑自仁智殿奉迎  
於寺之後殿百四十餘年自爾迎于慶壽寺  
至嘉靖十七年居百二十餘年因寺回祿奉  
迎于鷲峯寺至康熙四年乙巳居一百二十  
七年計自優填王造像之歲當穆王十二年  
辛卯至我朝康熙五年丙午凡二千六百五  
十餘年矣甚哉巍巍瑞像金姿玉容光明相



好瞻仰供奉如與神對朕覽歷代之往蹟昭  
新創之宏模迺考來儀舊記所載自西域傳  
至中國上下共二千六百五十餘年之久勒  
諸貞珉以紀盛事垂之永久用誌不朽云康  
熙五年四月二十九日立

清馥殿度金鰲玉竦橋西轉北明世宗所建常奉興  
獻太后來遊前有翠芳錦芬二亭荷花盛開紅衣翠  
蓋澄漪倒水恍如蓬壺嚴分宜賜遊清馥殿詩帝苑  
雲霞麗仙宮洞壑幽春生翡翠殿花滿鳳凰樓瑤草

迎宸蹕瓊波侍御舟共傳今聖孝當日奉慈遊又云  
十里宜春苑金堤覆綠楊水涵瑤殿碧花簇錦亭芳  
馳道通長樂離宮接建章微臣一何幸留賞沐恩光  
歷觀嚴分宜賜遊諸詩可謂千載之遇乃不能潔已  
輔弼怙寵專權遂使君臣之義不終良可嘆也改建  
宏仁寺者即此

騰禧殿在旃檀寺之西覆以黑琉璃瓦明武宗西幸  
宣府悅晉王樂伎劉良女姿容婉麗善謳遂載以歸  
居騰禧殿飲食起居必與之偕南征亦隨行在武宗



每縱獵輒以劉姬諫而止兼有馳馬失簪一事實錄  
備載之俗呼為黑老婆殿傍有古井曰王媽媽井今  
惟遺址

騰禧宮廢址

苑頭苔蘚沒輦路階級并闕餘舊基綠窓朱  
戶早荒廢猶說武皇西幸時輕裝小隊趨雁  
塞土牛絲仗陳春嬉烟花少妓妙歌舞銀箏  
羌管聲參差夜闌神女入幽夢水簾膩滑涼  
沁肌芙蓉出水比顏色楚王半醉心迷離酒

樓繫馬大道側教坊懸榜黃金題兩槐因輪

茂枝葉宜府有武宗行宮手植雙槐至今樂

府傳新詞小苑別勅架宮殿委曲戶牖盤蛟

螭玉釵殷勤有密約馬馳既失無人知五轉

三回召始發登車還蹙雙蛾眉殿中一人誰

復見殿外池水生漣漪寶髻羅裙艷金屋落

梅纖草驚春遲豹房月冷愴寒露斷礎似為

紅顏悲腐儒無乃愛聲色屢尋遺跡將何為

雨中貯泉滌古研破簾不卷風颼颼



櫺星門在金齋玉蝀橋西迤北有巷曰羊房夾道舊有內安樂堂凡宮人有病及年老或有罪先發此處待年久再發外之浣衣局明憲宗時萬貴妃專寵孝穆紀皇后有孕曾託病誕生孝宗于此果園廠在櫺星門之西明永樂年製漆器以金銀錫木爲胎有剔紅填漆二種所製盤合文具不一剔紅合有蔗段蒸餅河西三撞兩撞等式蔗段人物爲上蒸餅花草爲次盤有圓方八角絛環四角牡丹瓣等式匣有長方二撞三撞四式其法朱漆三十六次鏤以細錦底漆

黑光針刻大明永樂年製比元時張成楊茂劍環香草之式似爲過之宣宗時廠器終不逮前工屢被罪因私購內藏盤合磨去永樂針書細欸刀刻宣德大字濃金填掩之故宣欸皆永器也填漆欸亦如之填漆刻成花鳥彩填稠漆磨平如畫久而愈新其合製貴小深者五色靈芝邊淺者回文戩金邊古色蒼瑩器傳絕少故價數倍于剔紅二種皆稱廠製世甚珍重之而不可多得廠之遺址今爲內務府人役所居玉熙宮在西安裏門街北金齋玉蝀橋之西明世宗



嘉靖四十年十一月辛亥萬壽宮災斃御玉熙宮神  
宗時選近侍三百餘名于玉熙宮學習官戲歲時陞  
座則承應之各有院本如盛世新聲雍熙樂府詞林  
擲艷等詞又有玉娥兒詞京師人尙能歌之名御製  
四景玉娥郎嚴分宜聽歌玉娥兒詞詩云玉娥不是  
世間詞龍艦春湖捧御扈閭巷教坊齊學得一聲聲  
出鳳凰池注云上命閣臣應制作也他如過錦之戲  
約有百回每回十餘人不拘濃淡相間雅俗並陳又  
如雜劇古事之類各有引旗一對鼓吹送上所扮備

極世間騙局俗態并拙婦驥男及市井商賈刁賴詞  
訟雜耍諸項蓋欲深宮九重之中廣識見博職明順  
天時恤民隱也水嬉之製用輕木雕成海外諸國及  
先賢文武男女之像約高二尺彩畫如生有鬢無足  
而底平下安卯杓用竹板承之設方木池貯水令滿  
取魚蝦萍藻實其中隔以紗障運機之人皆在障內  
游移轉動一人鳴金宣白題目代爲問答惟暑天白  
晝作之以銷長夏明愍帝每宴玉熙宮作過錦水嬉  
之戲一日宴次報至汴梁失守親藩被害遂大慟而



言金  
罷自是不復幸玉熙宮矣吳偉業琵琶行有云先皇  
駕幸玉熙宮鳳紙僉名喚樂工苑內水嬉金僊備殿  
頭過錦玉玲瓏一自中原盛豺虎煖閣才人罷歌舞  
插柳停搗素手箏燒燈罷擊花奴鼓葢指此也迨入  
我朝遂廢不治康熙十三年五月于此設席殿停  
仁孝皇后梓宮集百官舉哀今改爲內廡參養御馬  
門前存一古樹槎枒臃腫生意盡矣

大藏經廠在玉熙宮遺址之西卽司禮監經廠也貯  
經書典籍及釋藏諸經今仍舊制

萬壽宮在西安門內迤南大光明殿之東明成祖潛  
邸也殿東西有永春萬春諸宮翼而前爲門者三或  
曰卽舊仁壽宮明世宗晚年愛靜常居西內勲輔大  
臣直宿無逸殿日有賜資如玲瓏雕刻玉帶金織蟒  
服金嵌寶石斗牛絛環絛絨護膝獨角獸補子貂鼠  
煖耳綵裝松竹梅鸞帶花線綠青油雨笠金鑲伽楠  
香帶刻花含香牌子葫蘆景畫銀豆銀人吉祥珊瑚  
定勝銀牌子刻平安二字銀像生人馬銀孩兒金壽  
仙方袋銀瓢刀筋三事御藥如意湯鴛林茶笋尖梅



蘇丸袖香面衣御製藥酒五味湯內酒竹葉青真珠  
紅長春酒酒蟹橄欖橙橘瓜果之類嚴分宜記賜蓋  
扇有海榴罌可寸許穴其腹藏象刻物器一百事工  
巧異甚又有水晶及牙仙人墜子今朱垣隙地雜居  
內府人役間藝黍稷及堆官柴草南曰草廠北曰柴  
關云

大光明殿在西安門內萬壽宮遺址之西地極敞豁  
門曰登豐前爲圓殿高數十尺制如園丘題曰大光  
明殿中爲太極殿後有香閣九間題曰天元閣高深

宏麗半倍于圓殿皆覆黃瓦甃以青琉璃下列白石  
花礎作龍尾道丹楹金飾龍繞其上四面瑣窓藻井  
以金繪之白石陛三重中設七寶雲龍神牌位以祀  
上帝相傳明世宗與陶真人講內丹于此按世宗實  
錄四十年十二月命左都督朱希忠入直西苑親率  
官校環衛大玄都四面及西安門則此地卽大玄都  
也今仍設內監道士守之晨夕鐘鼓無間但閑遊者  
皆得登殿陛瞻憩矣順治十八年辛丑正月  
世祖章皇帝升遐顧命大臣索尼鰲拜遏必隆蘇克



薩哈同心輔政四臣者共來焚香盟心于此各衙門亦次第設誓余賜第在其左側時于秋雨初霽碧天如洗披襟露坐覺魏魏瓊構與明月流光相照灼恍置身于廣寒宮闕故余移居詩有門前金碧瞻天闕之句

兔園山在瀛臺之西由大光明殿南行疊石爲山穴山爲洞東西分徑紆折至頂殿曰清虛俯瞰都城歷歷可見砌下暗設銅甕灌水注池池前五盤內作盤龍昂首而起激水從盤底一竅轉出龍吻分八小洞復由殿側九曲注池中喬松數株參立古藤縈繞懸蘿下垂池邊多立奇石一名小山子又曰小蓬萊其前爲曲流觀甃石引水作九曲流觴皆雕琢奇異布置神巧明嘉靖時復葺鑿戒亭取殷鑒之義又南爲瑤景翠林二亭古木延翳奇石錯立架石梁通東西兩池南北二梁之間曰旋磨臺螺盤而上其巔有甃皆陶埏雲龍之象相傳世宗禮斗於此臺下周以深塹梁上玉石欄柱御道鑿圍龍至今堅完如故老監云明時重九或幸萬歲山或幸兔兒山清虛殿登高



宮眷內臣皆着重陽景菊花補服喫迎霜兔菊花酒  
李文達賜遊西苑記云小山子遠望鬱然日光橫照  
紫翠重疊至則有殿倚山山下有洞洞上石巖橫列  
密孔泉出迸流而下曰水簾其淙散激射飛薄濺灑  
最爲可玩水聲冷冷然潛入石池龍昂其首口中噴  
出復潛繞殿前左右危石折旋爲徑山畔有殿翼然  
至其頂一室正中四面簾櫳欄檻之外奇峯回互茂  
樹環擁異花瑤草莫可名狀下轉山前一殿深靜高  
爽殿前石橋隱若虹起極其精巧韓右都御史賜遊

西苑記云又西南至小山子名賽蓬乘入其門有殿  
殿前一大池中通石橋東西二小閣立水中橋南有  
娑羅樹人所罕見殿之後復有三殿其階益上益高  
至絕頂則與萬歲山坤艮相望絕頂下至第三殿之  
前蓄水作機瞰其下有水簾洞洞之中作金龍決其  
水下而觀之連珠掩洞形稱其名龍口中亦噴水水  
皆從前殿基下陰渠之內過而至于其殿之前鑿石  
爲曲渠復作龍頭于其西水至出龍口旋繞而東可  
以流觴者李長史默遊西內記云北行古松間隱隱



見岡阜鬱然至則小軒峙其前甃石爲九曲黃河軒  
北石假山也石多削爲形肖剝泐不可識山數疊上  
松皆偃蹇如天成絕頂列銅池者六皆貯水池旁多  
穿孔竇下注洞口洞中爲龍勢若噴吐前爲圍池龍  
盤其間駕幸則瀉銅池從孔竇迸落名曰水晶簾吞  
以洞龍湫流地中激而上出池龍口復入地注于黃  
河制特幻巧今山前亭觀盡廢池亦就湮僅餘一亭  
及清虛殿與長松古槐搖落春風暑雨中  
栢木殿在萬壽宮之南全以栢木爲之今光

親蠶殿在萬壽宮西南有齋宮具服殿蠶室繭館皆  
如古制蠶壇方可二丈六尺疊二級高二尺六寸陛  
四出東西北俱樹以桑柘採桑臺高一尺四寸廣一  
丈四尺又有鑾駕庫五間墻圍方八十餘丈按明世  
宗實錄禮部上言皇后出郊親蠶不便是日召大學  
士張孚敬令與尙書李時議移之西苑晡時駕幸西  
苑召二臣至太液池使中官揆舟渡之八見于舊仁  
壽宮上曰朕惟農桑重務欲于宮前建土穀壇宮後  
爲蠶壇以時省觀卿等視其可否二臣趨出視地駕



轉昭和殿期二臣于此昭和殿今之瀛臺也

上穀壇在陽德門外西南數十步明嘉靖年間給事中王璣言西苑地寬可耕宜令農夫墾菑春秋二時臨幸觀省然後收其所入輸之神倉既悉小民艱苦之狀且得自致潔清于神明其為耕籍之實孰大于是部覆可之遂建壇于此今廢

惜薪司在西安門街南巷內凡宮中所用紅籬炭皆易州山中硬木燒成運至紅籬廠按尺寸鋸截編小圓荆筐用紅土刷筐而成故曰紅籬炭每根長尺許

圓徑二三寸不一又用炭末塑造將軍或仙童鍾馗各成對高三尺金裝絲畫如門神黑面黑手以存炭制名曰絲粧于十二月二十四日安于宮殿各門兩旁亦歲暮植將軍炭之遺意次年二月初二日仍歸本司後漸作傀儡以綢絹紵綾為粧飾作為無益之費我朝悉除之惟內廷柴炭于此關支荆筐亦不刷紅土  
洗白廠造堦羅絨及各色五毒等絲堦羅絨織法傳自西域無敢私造者



西酒房

西花房

牲口房

舊虎城皆在櫺星門西北今盡廢

南花園在西苑門迤南東向明時曰灰池種植瓜蔬于炕洞內烘養新菜以備春盤薦生之用立春日進鮮蘿蔔名曰咬春本朝改為南花園雜植花樹凡江寧蘇松杭州織造所進盤景皆付澆灌培植又于煖室烘出芍藥牡丹諸花每歲元夕賜宴之時安放

乾清宮陳列筵前以為勝于剪綵秋時收養蟋蟀至燈夜則置之熬山燈內奏樂既罷忽聞蛩聲自熬山中出每歲正月進梅花山茶探春貼梗海棠水仙花二月進瑞香玉蘭碧桃鸞枝三月進繡毬花杜鵑木華木瓜海棠丁香梨花插瓶牡丹四月進梔子花石榴花薔薇插瓶芍藥五月進菖蒲艾葉茉莉黃楊樹盤景六七月進茉莉建蘭及鳳仙花五色斑斕置玻瓈盤中八月進巖桂九月進各種菊花十月進小盤景松竹冬青虎鬚草金絲荷葉及橘樹金橙十一月

兗令 金齋退食筆記下



十二月進早梅探春迎春蠟瓣梅又有香片梅古幹  
槎牙開紅白二色安放 懋勤殿余曾有詩紀之石  
榴紅白二種花單瓣結實如盤子大味甘曰軟子石  
榴棗有弱枝密雲瓔珞諸種甚甘脆食則漿流于齒  
每歲八月初收棗入錫餅封口懸井中寒冬取出進  
用如初從樹摘者葡萄有馬乳六月鮮紫瓊瑤王瓜  
有高麗種狀如香櫞色正黃扁豆有白花蜜豆霜後  
更美

上從清涼山手移金蓮花亦付南花園栽種四月末

花開碧葉黃英鮮潔可愛其餘雜花奇樹不可名言  
惟設內監司灌溉之事冬月進花皆用黃布作綳套  
包裹不使見風菊花以綠竹作架各懸小牌書某種  
如粉西施水晶盤太史黃紫羅闌之類按時昇送各  
宮殿安放花殘則隨時易以新者南書房亦如之  
懋勤殿古幹梅花發紅白二色應

制

上林春色暗相催一樹新開殿裏梅素艷欲  
欺瓊圃雪紅芳疑泛紫霞杯欣逢暖律吹嘯



早漸識東風次第來古幹獨當霜霰候豈同  
凡卉點莓苔

西十庫在西安門內向南舊設掌庫太監一員貼庫  
數員僉書數十員十庫自戊字後不全用十于以爲  
已者已也故改用別名魏忠賢本從甲字庫出身待  
十庫之人獨厚木朝三十餘年十庫封錮不開塵土  
堆積庫後古木叢茂居人鮮少衆鳥翔集作巢以數  
萬計

上常遊幸至此命內務府清察立檔案焉

甲字庫職掌銀硃烏梅靛花黃丹綠礬石紫草明礬光  
粉黑鉛水膠槐花藍靛五倍子潤白三梭布苧布紅  
花水銀礬砂騰黃茜草薑黃密陀僧礬砂白芨梔子  
百藥煎之類皆浙江等省歲供納以備御用者

乙字庫職掌奏本紙藥榜紙中夾等紙各省解到胖  
襖備各項奏准領取

丙字庫每歲浙江辦納本色絲綿合羅絲串五絲荒  
絲以備各項奏付山東河南順天等府歲納綿花絨  
則丙官之冬衣軍士之布花咸取備于此



丁字庫每歲浙江等處辦納生漆桐油紅黃熟銅白麻糝麻黃蠟錫牛筋黃牛皮麕皮鐵線魚膠白圓藤生熟建鐵等件以備御用監內官監支給

戊字庫職掌河南等處解到盔甲弓箭刀及廢鐵承運庫職掌浙江四川湖廣等省黃白生絹以備欽賞外藩并內官冬衣樂舞生淨衣等用

廣盈庫職掌黃紅等色平羅熟絹各色杭紗青細綿布

廣惠庫職掌綵織手帕梳櫛扞刷錢貫鈔錠之類

廣積庫職掌焰硝熟硫黃聽盛甲廠等處成造火藥職罰庫職掌沒官衣物等件



京東考古錄

崑山顧炎武寧人著

考薊

漢書薊古燕國召公所封後漢書薊本燕國刺史治  
 自七國時燕都于此項羽立臧荼為燕王都薊高帝  
 因之為燕國元鳳元年燕刺王旦自殺國除為廣陽  
 郡本始元年為廣陽國建武十三年省屬上國永平  
 八年一作永復為廣陽郡晉復為燕國魏為燕郡隋  
 開皇初廢大業初置涿郡唐天寶元年更名范陽郡



並治薊水經注濕水過廣陽縣北又東至漁陽雍奴  
縣註今城內西北隅有薊邱因邱以名邑也後漢書  
彭寵傳寵反漁陽自將二萬餘人攻朱浮于薊晉書  
紀載魏圍燕中山清河王會自龍城遣兵赴救建武  
將軍餘崇爲前鋒至漁陽遇魏千餘騎鼓噪直進殺  
十餘人魏騎遁去崇亦引還會乃上道徐進始達薊  
城卽此三事可見薊在漁陽之西唐書地理志幽州  
范陽郡治薊開元十八年析置薊州漁陽郡治漁陽  
及遼改薊爲析津縣因此薊之名遂沒于此而存于

彼今人乃以漁陽爲薊而忘其本矣史記樂毅書薊  
邱之植植于汶篁一統志云城西北隅卽古薊門舊  
有樓館並廢但門外存二土阜旁多林木頗爲近之  
禮記樂記武王克殷反商未及下車而封黃帝之後  
於薊水經注誤疏云今涿郡薊縣是也卽燕國之都  
孔安國司馬遷及鄭皆云燕祖召公與周同姓案黃  
帝姓姬召葢其後也而皇甫謐以召公爲文王之庶  
子考之史傳更無所出又左傳富辰之言亦無燕也  
案先儒之說以薊與燕國爲一史記燕世家武王滅



言金  
紂封召公于北燕索隱曰北燕今在幽州薊縣故城  
蓋一地不容封二國故疑召公卽黃帝之後其不曰  
燕而曰薊者有南北二燕故稱其國都以明之也

補註漢書二燕傳

漢書燕王定國傳殺肥如令鄧人案地理志肥如白  
屬遼西郡不屬燕武帝本紀元朔元年秋匈奴入遼  
西殺太守諸侯王表言武帝下推恩之令而藩國自  
析長沙燕雖有舊名皆亡南北邊矣然則肥如令之  
殺于燕必在元朔以前未析邊郡之時也燕王旦傳

發民會圍大獵文安縣以講土馬其上云武帝時且  
坐臧匿亡命削良鄉安次文安三縣是文安已削不  
屬燕又云昭帝立大將軍翟光秉政褒賜燕王錢三  
千萬益封萬三千戶昭帝本紀亦云始元元年益封  
燕王廣陵王及鄂邑長公主各萬三千戶然則文安  
縣之仍屬于燕又在益封萬三千戶之後也此皆史  
文之互見者可以參考而得之也

考金陵

一統志金太祖陵世宗陵俱在房山縣西二十里三



山峯下宣宗陵章宗陵俱在房山縣西大房山東北  
案金史海陵紀貞元三年三月乙卯命以大房山雲  
峯寺爲山陵建行宮其麓五月乙卯命判大宗正事  
京等如上京奉遷太祖太宗梓宮十一月乙巳朔梓  
宮發丕承殿戊申山陵禮成正隆九年七月己酉命  
太保昂如上京奉遷始祖以下梓宮八月丁丑如大  
房山行視山陵十月乙酉葬始祖以下十帝于大房  
山閏月己亥朔山陵禮成又太祖紀太祖葬睿陵太  
宗紀太宗葬恭陵世宗紀世宗葬興陵章宗紀章宗

葬道陵又熙宗紀帝被弑葬于皇后裴滿氏墓中貞  
元三年改葬于大房山蓼香甸諸王同兆域大定初  
追上謚號陵曰思陵二十八年改葬于蛾眉谷仍號  
思陵又海陵紀葬于大房山鹿門谷後降爲庶人改  
葬于山陵西南四十里又睿宗紀大定二年改葬于  
大房山號景陵顯宗紀大定二十五年十一月庚寅  
葬于大房山章宗卽位號曰裕陵是則金代之陵自  
上京而遷者十二帝其陵曰光曰熙曰建曰輝曰安  
曰定曰永曰泰曰獻曰喬曰睿曰恭其崩于中都而



言金  
葬者二帝其陵曰興曰道被弑者一帝其陵曰思道  
謚者二帝其陵曰景曰裕被弑而降為庶人者一帝  
葬在兆域之外而宣宗則自即位之二年遷于南京  
三年五月中都為蒙古所陷葬在大梁非房山矣今  
一統志止有四陵而誤列宣宗又躋于章宗之上諸  
臣不學之甚也

辨一統志遼陵之誤

一統志遼章宗陵在三河縣五十五里考遼無章宗  
其一代諸帝亦無葬三河者

辨一統志密雲之誤

一統志引古事舛戾最多未有若密雲之可笑者晉  
書石季龍紀載段遼棄令支奔密雲山遣使詐降季  
龍使征東將軍麻秋迎之遼又遣使降于慕容皝曰  
胡貪而無謀吾今請降求迎彼不疑也若伏重兵以  
邀之可以得志皝遣子恪伏兵于密雲麻秋統眾三  
萬迎遼為恪所襲死者十六七秋步遁而歸是段遼  
與燕合謀而敗趙之兵也今一統志云密雲山在密  
雲縣南一十五里亦名橫石昔燕趙伏兵于此大獲



遼衆是反以爲趙與燕謀而敗遼之衆又不言段而言遼似以遼爲國名豈脩志諸臣并晉書而未之見乎

### 放臨朐縣

一統志三河在漢臨朐縣地今考二漢書並無臨朐縣唐書地理志幽州范陽郡潞縣下云武德二年置臨朐縣貞觀元年省臨朐而薊州漁陽郡三河下云開元四年析潞縣置故知本是一地先分爲臨朐後分爲三河皆自唐非漢也

### 考夏謙澤

晉書紀載慕容寶盡徙薊中府庫北趨龍城魏石河頭引兵追及之于夏謙澤胡三省通鑑注夏謙澤在薊北二百餘里恐非案水經注鮑邱水東南流逕潞城南又東南入夏澤澤南紆曲潞一十餘里北佩謙澤眇望無限也下云鮑邱水又東與朐河合三河志鮑邱河在縣西二十五里源自口外源流經九莊嶺過密雲谷

人溪至通州之米莊村合沽水入朐河今三河縣西



三十里地名夏店舊有驛鮑邱水逕其下而洶河自縣城南至寶坻下入于海疑夏店之名因古夏澤東望皆陂澤與經注正合自薊至龍城此其孔道寶以丙辰行魏人以戊午及之相距二日適當其地也

### 辨石門

後漢書公孫瓚傳中平中張純與烏桓邱力居等入寇瓚追擊戰于屬國石門大敗之註石門山在今營州柳城縣西南而水經注云灑水又東南逕石門峽山高嶄絕壁立洞開俗謂之石門口漢中平五年公

孫瓚討張純戰于石門大破之今薊州東北六十里石門驛卽水經注之石門是也案史本紀但言石門而傳言屬國石門明有兩石門水經注所指乃漁陽之石門非遼東屬國之石門當以柳城爲是通輿柳城在石門山

### 辨一統志楊令公祠之誤

一統志楊令公祠在密雲縣古北口祀宋楊業案楊業傳業本太原降將太宗以業老于邊事遷代州兼三交駐泊兵馬都部署會契丹入雁門業領麾下數



千騎自西京而出由小徑至雁門北口南嚮背擊之契丹大敗以功遷雲州觀察使雍熙三年大兵北征以忠武軍節度使潘美爲雲應路都部署命業副之以西上閭門使蔚州刺史王侁軍器庫使順州團練使劉文裕護其軍諸軍連拔雲應寰朔四州師次桑乾河會曹彬之師不利諸路班師美等歸代州未幾詔遷四州之民于內地令美等以所部兵護之時契丹復陷寰州侁令業趨雁門北川業以爲必敗不可侁逼之行業指陳家谷口曰諸君于此張棊局

爲左右翼以援美與侁領麾下兵陳于谷口自寅至巳侁使人登托邏臺望之以爲契丹敗走欲爭其功卽領兵離谷口美不能制乃緣交河西南行二十里俄聞業敗卽麾兵却走業力戰至谷口望見無人卽搦膺大慟再率帳下士力戰身被數十創士卒殆盡業猶手刃數十人馬重傷不能進爲契丹所擒不食三日死是業生平未嘗至燕况古北口又在燕東北二百餘里地屬契丹久矣業安得而至此且史明言雁門之北口而以爲密雲之古北口是作志者東西



尚不辨何論史傳哉又按遼史聖宗紀統和四年七月丙子樞密使斜軫奏復朔州擒宋將楊繼業即律斜軫傳繼業敗走至狼牙村衆軍皆潰繼業爲飛矢所中被擒與宋史畧同密雲縣志威靈廟在古北口北門外一里祀宋贈太尉大同軍節度使楊公成化十八年禮部尚書周洪範記引宋史全文而不辨雁門北口之非其地豐潤縣志令公村在縣西十五里宋楊業屯兵拒遼于此有功故名並承一統志而誤

考盧師山

仁宗實錄洪熙元年二月乙卯封大青龍神爲宏濟大青龍神小青龍神爲靈顯小青龍神賜各所居山爲翠微山遣成國公朱勇諭祭仍命禮部歲以春秋仲月遣順天府官致祭蓋京師平則門外三十里盧師山有潭世傳有大小二青龍出沒不時遇旱致禱輒雨及是夏不雨遂卽其山禱焉雨隨注故有是命大明一統志盧師山在府城西三十里隋沙門盧師馴伏青龍之所今考元史呂思誠傳云爲景州蓀縣尹天旱道士持青蛇曰盧師谷小青謂蛇也禱之卽



雨思誠以其惑人殺蛇逐道士雨亦隨至遂有年則  
是元時已有此說又考唐書常挺傳云挺遣燕州司  
馬王安德行渠作漕艦運糧自桑乾水抵盧思臺行  
百里渠塞不可通挺以方苦寒未可進遂下米臺側  
膏之待米泮乃運則盧師或盧思之誤

辨遼史引公孫度平州之誤

晉書平州禹貢冀州之域於周爲幽州界漢屬右北  
平郡後漢末公孫度自號平州牧及其子康康子淵  
並據遼東魏分遼東昌黎玄菟帶方樂浪五郡爲平  
州後還合爲幽州咸寧二年十月分昌黎遼東玄菟  
帶方樂浪等郡國五置平州治昌黎是則公孫度之  
平州乃遼東而咸寧所置之平州乃柳城卽昌黎也  
魏書營州領郡六其一曰昌黎晉分遼東置領縣三  
其一曰龍城太平眞君八年併柳城昌黎棘城屬焉  
有堯祠榆頓城狼水隋書遼西郡統縣一柳城本魏  
龍城縣開皇元年改爲龍山縣十八年改爲柳城縣  
而平州之名則自魏更立于遼西魏書平州領郡二  
其一曰遼西領縣三其一曰肥如獨其于平州之下



注云晉置治肥如城未甚詳明其曰晉置者謂平州之名始立于晉也其曰治肥如城者謂魏之平州治肥如也上下本不相蒙且如遼西郡下注云秦置亦謂遼西之名立于秦也豈可以秦之遼西亦治肥如乎以此例之可見矣隋唐二書並未有所誤至遼史于平州遼興軍下云漢末公孫度所有傳子康孫淵是誤以拓拔氏之平州爲公孫度之平州矣灤州下亦云不知其時皆曹氏所有也

正後漢志誤字

後漢志遼東屬國下云昌遼故天遼屬遼西考之前代史書並無昌遼之名而前漢亦無天遼疑當作昌黎故交黎屬遼西以漢書證之遼西郡交黎下云東部都尉治應劭曰今昌黎又胡三省通鑑注云昌黎今交黎縣屬遼西郡後漢屬遼東屬國都尉此後人寫刻之誤可以意改者也

辨柳城

史言慕容皝以柳城之北龍山之西福德之地乃營立宗廟宮闕命曰龍城一統志柳城在永平府西二



十里龍山在府西四十里永平府舊志柳城在昌黎  
縣西南六十里漢末爲烏桓所據曹操滅之歷魏晉  
爲慕容氏父子所據隋置縣屬遼西郡唐置營州元  
省人昌黎爲靜安社二說不同今府西二十里全無  
遺跡而靜安社則嘉靖三十一年立爲堡然皆非柳  
城之舊也案唐書營州柳城郡下云城西四百八十  
里有淪關守浞城又云西北接奚北接契丹通典營  
州柳城郡下云東至遼河四百八十里南至海二百  
六十里西至北平郡七百里北至契丹界五十里東  
南到安東府二百七十里西南到北平七百里西北  
至契丹界七十里東北到契丹界九十里而平州北  
平郡下云東至柳城郡七百里西至漁陽郡三百里  
東北到柳城郡七百里是柳城在今永平之東北七  
百里而慕容氏之龍城昌黎及魏以後之營州並  
在其地唐萬歲通天元年爲契丹所陷聖歷二年僞治  
漁陽開元五年又還治柳城而今之昌黎乃昔之廣  
寧縣大定二十九年改爲昌黎名同而地異也

三國志魏武用田疇言上徐無山塹山堙谷五百餘



里經白檀歷平岡涉鮮卑庭東至柳城徐無山在今  
玉田則柳城在玉田之東北數百里也北齊書顯祖  
伐契丹以十月丁酉至平州從西道趨長塹辛丑至  
曰狼城壬寅至昌黎城是昌黎在平州之東北齊主  
之行急猶五日而後至也隋書漢王諒伐高麗軍出  
臨渝關至柳城唐書太宗伐高麗還以十月丙午次  
營州詔遼東戰亡士卒骸骨並集柳城東南命有司  
設太牢上白作文以祭之內辰皇太子迎謁于臨渝  
關在今撫寧之東則柳城又在其東太宗之行遲故

十日而後至也

遼史載柳城曰與中府古孤竹國漢柳城縣地慕容  
皝以柳城之北龍城之南福德之地乃築龍城構宮  
廟改柳城為柳城縣而遷都之號曰和龍宮慕容垂  
復居焉垂都鄴其子寶始遷龍城也後為馮跋所滅高雲滅慕容氏馮跋伐高雲非跋滅慕容氏也魏取之為遼西郡隋平高寶寧置營州煬  
帝改柳州郡唐武德初改營州總管府尋為都督府  
萬歲通天元年陷李萬榮神龍初徙府幽州開元四  
年復治柳城八年徙漁陽十年還柳城後為奚所據



太祖平奚及俘燕氏將建城命韓知方擇其處乃完  
葺柳城號霸州彰武節度使重熙十年升興中府有  
大華山小華山香高山麝香崖天授皇帝刻石在焉  
駐龍峪神射泉小龍河統州二縣四其一曰興中縣  
本漢柳城縣地太祖掠漢民居此置霸城縣重熙中  
置府更名此文述柳城之故頗爲詳備元世祖至元  
七年十月己丑降興中府爲州以地圖按之當在今  
前屯衛之北但唐書平州下云又有柳城軍永泰元  
年置蓋唐時柳城之地屢被陷沒移遷無常此其在

平州者或卽今之靜安社未可知然不可以永泰元  
年之柳城爲古之柳城也

一統志采輯諸書不出一人之手如柳城廢縣旣云  
在府城西二十里矣而于土產則曰人參麝香豹尾  
俱廢柳城縣出今府西二十里乃灤河之西洞山之  
南沙土之地其熊出此三物乎案唐書營州柳城郡  
貢人麝麝香豹尾皮骨髓志本引之而不知府西二  
十里之誤也

### 考昌黎



案昌黎有五漢書遼西郡之縣其八曰昌黎渝水首受塞外南入海東部都尉治應劭曰今昌黎通鑑注昌黎漢交黎縣屬遼西郡後漢屬遼東屬國都尉魏齊王正始五年鮮卑內附復置遼東屬國立昌黎縣以居之後立昌黎郡晉書武帝紀太康二年慕容廆寇昌黎二年安扎將軍嚴詢敗慕容廆于昌黎成帝咸康二年慕容皝自昌黎東踐水而進凡三百餘里至歷林口是則渝水下流而當海口此一昌黎也晉書紀載慕容皝徙昌黎郡又云破宇文歸之衆徙其

部人五萬餘落于昌黎及慕容盛之世有昌黎尹張順劉忠高雲以馮素弗為昌黎尹馮跋之世有昌黎尹孫伯仁以史考之當去龍城不遠此又一昌黎也魏併柳城昌黎棘城于龍城而立昌黎為郡志云有堯祠榆頓城狼水而列傳如韓麒麟韓秀谷渾孫紹之倫皆昌黎人即燕之舊都龍城此又一昌黎也齊以後昌黎之名廢至唐太宗貞觀二年更崇州為北黎州治營州之東北廢陽師鎮八年復為崇州置昌黎縣後淪于奚遼史建州永康縣本唐昌黎縣地此



又一昌黎也遼太祖以定州俘戶置營鄰海軍其縣  
一曰廣寧金世宗大定二十九年改爲昌黎相沿以  
至于今在府城東南七十里此又一昌黎也郭造卿  
永平志辨昌黎有二而不知其有五今序而列之論  
古者可以無惑焉

韓文公多自稱昌黎唐書載韓氏世系則云漢弓高  
侯頽當裔孫世居頽川徙安定武安常山九門而生  
安定桓王茂爲公之六世祖與昌黎之韓支派各別  
故先儒以爲公之自稱本其郡望宋元豐七年封公

爲昌黎伯亦是取其本望如韓擇木封昌黎伯韓長  
鸞韓建封昌黎王之比若昌黎之韓最著于魏如麒  
麟顯宗史明言其爲昌黎棘城人又非今日之昌黎  
也然則文公之沒二百六十年而始封昌黎伯又一  
百六年而始立今之昌黎縣以金之縣而合宋之封  
遂謂文公爲此縣之人其亦未之考矣

### 考石城

漢右北平郡之縣十六其三曰石城後漢無之蓋光  
武所併省也至燕分置石城郡考之通鑑及晉載紀



言金  
得二事慕容寶宿廣都黃榆容清河王會勒兵攻寶  
寶師輕騎馳二百里晡時至龍城會遣騎追至石城  
不及是廣都去龍城二百里而石城在其中間也慕容  
容熙敗于北原石城令高和與尙方兵于後作亂註  
云高和本爲石城令時以大喪會于龍城是石城去  
龍城不遠也魏書地形志廣興下云有雞鳴山石城  
大柳城此卽漢之石城矣魏太平眞君八年置建德  
郡治白狼城領縣三其一曰石城有白鹿山祠其二  
曰廣都水經注石城川水出西南石城山東流逕石

城縣故城南北屈逕白鹿山西卽白狼山也又東北  
入廣成縣東廣成卽廣都城燕之石城在廣都之東  
北而此在廣都之西南是魏之石城非燕之石城矣  
隋書始無石城云北齊廢之而唐書平州石城下云  
本臨渝武德七年省貞觀十五年置萬歲通天二年  
更名有臨渝關有大海有碣石山是武后所改名之  
石城又非魏之石城矣遼史灤州統縣三其三曰石  
城下云唐貞觀中于此置臨榆縣萬歲通天元年改  
石城縣在灤州南三十里唐儀鳳石刻在焉今縣又



在其南五十里遼徙置以就鹽官是遼之石城又非  
唐之石城矣今之開平中屯衛自永樂三年徙于石  
城廢焉在灤州西九十里乃遼之石城而一統志以  
爲漢舊縣何其謬與

考宋史營平灤三州之誤

宋史言朝廷與金約滅遼止求晉略契丹故地而不  
思營平灤三州非晉略乃劉仁恭獻契丹以求援者  
旣而王黼悔欲併得之遣趙良嗣往請之再三金人  
不與此史家之誤案通鑑初幽州北七百里有渝關

下有渝水通海自關東北循海有道道狹處纔數尺  
旁皆亂山高峻不可越北至進牛口舊置八防禦軍  
募土兵守之田租皆供軍食不入于薊幽州歲致緡  
緡以供戰士衣每歲早穫清野堅壁以待契丹契丹  
至輒閉壁不戰俟其去選驍勇據隘邀之契丹常失  
利走土兵皆自爲田園力戰有功則賜勳加賞由是  
契丹不敢輕入寇及周德威爲盧龍節度使恃勇不  
修邊備遂失渝關之險契丹每芻牧于營平之間又  
案遼史太祖天贊二年春正月丙申大元師堯骨克



平州獲刺史趙思溫裨將張崇二月如平州甲子以  
平州為盧龍軍置節度使遼之天贊二乃後唐莊宗  
同光元年是營平二州契丹自以兵力取之于唐而  
不於劉仁恭又非賂以求援也若灤本平州之地遼  
太祖以浮戶置灤州當劉仁恭時尙未有此州尤為  
無據此亦史家千年未正之誤遼史于灤州下云石  
晉割地在平州之境亦誤也

考契丹所得十六州

世言燕雲十六州自石敬瑭以賂契丹不屬中國者

四百四十餘年蓋不盡然考之于史晉高祖所割以

裨契丹者山前之州也曰幽今順天府曰薊今薊州曰瀛今瀛州

曰莫今任邱縣曰涿今涿州曰檀今密雲縣曰順今順義縣山後之

州九曰新今保定曰媯今延慶州曰儒今永寧縣曰武今在朔州西境曰

雲今大府曰應今應州曰寰今馬邑縣曰朔今朔州曰蔚今蔚州而

營平二州則後唐時契丹自以兵取之矣其後周世

宗復關南北則瀛莫二州復歸中國而其餘十四州

遂淪于契丹并所取營平二州亦適得十六之數若

霸州乃周世宗所置灤州乃契丹所置又不在十六



州之內者也

辨賓徒

漢書遼西郡賓徒縣莽曰勉武今本亦有作賓徒者後漢書遼東屬國賓徒故屬遼西通鑑晉趙王倫貶吳王晏為賓徒縣王秦符堅封慕容垂為賓徒侯並取此為名晉書載記作賓都侯都之與徒以音相近而轉尤為明證而遼史則云中京大定府長安縣本漢賓從縣地勸農縣本漢賓從縣地此承漢志傳寫之訛而未考後漢晉二書也

辨龍城

案史有兩龍城漢書匈奴傳匈奴諸王長少五月大會龍城祭其先天地鬼神武帝本紀元光五年車騎將軍青至龍城獲首虜七百級衛青傳作龍城註龍與龍同此一龍城也晉書載記慕容皝築城于柳城之北龍城之西立宗廟宮闕命曰龍城此又一龍城也六朝以下文人多用龍城隋煬帝與史祥書望龍城而衝寇盼狼居而發憤自此通相祖襲皆匈奴傳之龍城耳



辨一統志朝鮮

漢書地理志樂浪郡之縣二十五其一曰朝鮮應劭曰故朝鮮國武王封箕子于此志曰般道衰箕子去之朝鮮在今高麗國境內慕容氏于營州之境立朝鮮縣魏又于平州之境立朝鮮縣但取其名與漢縣相去則千有餘里一統志乃曰朝鮮城在永平府境內箕子受封之城當日儒臣令稍知古今者爲之何至于此爲之太息通鑑朝鮮令孫泳非箕子朝鮮也

辨三韓

今人謂遼東爲三韓不知其何取考晉書韓種有三一曰馬韓二曰辰韓三曰弁韓辰韓在帶方南東西以海爲限馬韓居山海之間無城郭凡有小國五十大者萬戶小者數千家各有渠帥又曰辰韓在馬韓之東自言秦之亡人避役入韓韓割東界以居之立城柵言語有類秦人由是或謂之秦韓初有六國後稍分爲十二又有弁韓亦十二國合四五萬戶各有渠帥皆屬于辰韓辰韓常用馬韓人作主雖世世相承而不得自立明其流移之人故爲馬韓所制也



又載其舊名用朝貢之詳甚具遼史高州三韓縣  
辰韓爲扶餘弁韓爲新羅馬韓爲高麗開泰中聖宗  
伐高麗俘三國之遺人置縣據此則三韓並是東彝  
之國種類各殊而遼東乃漢晉時內地烏得以三韓  
自之近代文人用古而不求所出其誤也久矣

辨張公素

一統志永平府各宦有唐張仲素德宗時以列將事  
盧龍軍節度使張允伸擢平州刺史允伸卒詔仲素  
代爲節度使同平章事考之唐書藩鎮列傳則云張  
仲武爲盧龍節度使破降回鶻又破奚北部及山奚  
累擢檢校司徒同中書門下平章事卒子直方多不  
法畏下變起奔京師軍中以張允伸總後務張公素  
以列將事允伸擢平州刺史允伸卒子簡會爲副大  
使公素以兵來會喪簡會出奔詔以公素爲節度使  
性暴厲眸子多白燕人號白眼相公爲李茂勳所襲  
奔京師貶復州司戶叅軍案盧龍節度使前後三人  
皆張姓曰仲武曰允伸曰公素今乃合二名而曰仲  
素及詳其歷官卽公素也又其逐簡會在懿宗咸通



言金  
十三年去德宗時甚遠且又安取此篡奪暴戾之人  
而載之名宦乎今灤州乃祀之名宦祠吁其辱朝廷  
之典而貽千載之笑也已

考長城

長城不獨北邊也其在中國亦有之史記蘇代傳燕  
王曰齊有長城鉅防足以爲塞竹書紀年梁惠王之  
十年齊閔王築防以爲長城後漢志濟北國盧有長  
城至東海太山記云太山下有長城緣河經此齊之  
長城也史記蘇秦傳說魏襄王曰西有長城之界後

漢志河南郡有長城經陽武到密此魏之長城也其  
在北邊者史記匈奴傳秦宣太后起兵伐殘義渠于  
是秦有隴西北地上郡築長城以拒胡此秦之長城

也趙武靈王北破林胡樓煩築長城正義曰括地志

城在朔方自代至陰山索隱曰徐廣云西安善陽縣北有

朔方日括地志云陰山在朔方下至高關爲塞徐廣曰在朔方

朔州絕塞外突厥界正義曰地理志而置雲中鴈門

代郡此趙之長城也燕將秦開襲破東胡東胡却千

餘里燕亦築長城自造陽韋昭曰地名在上谷正至



襄平索隱曰韋昭云今遼東所里也置上谷滹陽右北平遼西遼東

郡以拒胡此燕之長城也秦滅六國而始皇帝使蒙

恬將十萬之衆北擊胡悉收河南地因河為塞索隱曰按

太康地記秦塞自五原北九里謂之索隱曰蘇林云去長築四十四縣城

臨河徙適戍以充之而通直道索隱曰蘇林云去長

道自九原至雲陽索隱曰韋昭云九原縣屬五原

也正義曰括地志云勝州連谷縣本秦九原郡漢武帝更名五原雲陽雍縣秦之林光宮

即漢之甘泉宮在焉又云秦故道在慶州華化縣西

四十五里子午山上自九原至雲陽千八百里因邊山險塹谿谷可繕者治

之起臨洮至遼東萬餘里索隱曰臨洮隴西縣正義又度河據陽山

北假中北假地名索隱曰應劭云北假在比地陽山北韋昭云

北假地名正義曰括地志云漢五原郡河日縣故

城在北假中北假在河北今屬勝州銀城縣漢書王

莽傳云五原北假骨壤植穀此秦并天下之後所築之長城也自

此以後則漢武帝元朔二年遣將軍衛青等擊匈奴

取河南地築朔方復繕故秦時蒙恬所為塞因河為

固北齊天保二年白黃墟嶺起長城北至社平戍四

百餘里置三十六戍通鑑註此長城蓋起于六年發



餘里

通鑑註幽州夏口卽居庸下口也幽州軍都縣西北有居庸關

七年自西河總

秦戍築長城東至于海前後所築東西凡三千餘里  
率十里一戍其要害置州鎮凡二十五所周靜帝大  
象元年發山東民築長城立亭障西至鴈門東至碣  
石隋文帝開皇五年使司農少卿崔仲方發丁三萬  
于朔方靈武築長城東距河西綏州綿歷七百里六  
年二月丁亥復令崔仲方發丁十五萬于朔方以東  
緣邊險要築數十城七年發丁男十萬餘人脩長城  
二旬而罷史所載長城之事如此



